



Nuuk, 2. marts 2015

Inatsisartut suleriaasianni § 37 naapertorlugu psykiaterimut qaratsamigut akornusersimasumut atatillugu Naalakkersuisunut imaattunik apeqquteqarpunga:

(Inatsisartuni ilaasortaq Aaja Chemnitz Larsen, Inuit Ataqatigiit)

Apeqqutit:

- 1) Danskit aviisiisa saqqummiussaattut psykiaterip qaratsamigut akornusersimasup Kalaallit Nunaanni Peqqinnissaqarfimmi 2004-miit 2007-mut atorfeqarsimaneranut tunngasumik Naalakkersuisut paasissutissiisinnaappat?
- 2) Kalaallit Nunaanni atorfeqarnermini nappaatinut suussusersinerinut katsorsaanerinullu tunngatillugu nalunaarusiortoqarsimava imalunniit misissuisoqarsimava?
- 3) Nappaatinik suussusersinerinut katsorsaatissatullu aalajangigaanut atatillugu taakkua aaqqissuussaasumik naliliiffigeqqinnissaannut isummertoqarsimava?
- 4) Napparsimasut nappaataasigut kukkusumik naliliiffiqarsimasut imaluunniit kukkusumik katsorsarneqarsimasut taarsiiffigitinnissaannik isummertoqarsimava?
- 5) Taamatut atornifinitsitsisoqaqqingninnissaanut qulakkeerisussamik iliuuseqartoqarpa?

Tunngavilersuut:

Naak pisaq 2004-miit 2007-imut pisimasuugaluartoq, inuiaqatigiinni inuit eqqugaasimasinnaasut nappaatiminnik nutaamik naliliiffigeqqinneqarnissaminnut isumaga naapertorlugu piumasaqaateqarsinnaapput taamaasillutillu eqqortumik katsorsarneqarlutik. Taamatuttaaq napparsimasut kukkusumik naliliiffiqarsimasut imaluunniit kukkusumik katsorsarneqarsimasut taarsiiffigitissinnaanerit eqqarsaatersorfigineqartariaqarpoq.

Peqqinnissaqarfimmi napparsimasut ilinniarluarsimasunit naliliiffiqarneqarnissaat katsorsarneqarnissaallu pisussaaffiqarneqarpoq. Naak mianersoqquteqaraluartoq psykiaterip qaratsamigut akornusersimasup nunatsinni peqqissaqarfimmi atuussimasinnaanera ajuusaarnartuuvoq.

Apeqqutima ullut suliffiusut qulit iluanni akineqarnissaat kissaatigivara.